

# AKTUAALO LAAVENNA ARO TŠEERIBI 2 -HANKIBA

## - neevibosko liin 2 1/2019

### Aktuaale saaki Laavenna aro tšeeribi 2 –hankiba

Tšiňko drabiboskiiro,

dauva hin Laavenna aro tšeeribi 2-hankibosko vauro neevibosko liin/lil. Aro dai liin ame rakkavaha

- phuujako thaanengo fanibonna aro Porisko ta Tamperesko foori
- džuujuengo dikkibosta aro Dživitiko gau.
- vooresko 2019 fanibonna

Boňlide samlibi saare MAARO-fanibonna ta kaalengo džuujuengo folkuno dikkibosta laňheha paň romani.fi/sanoistatekoihin. Lilako/liinesko ňluutiba tu laňheha aro hankiba butti tšeeribongiire komujengo tšetano džaanibi. Följime neevibosko liin/lil vela aro vooresko ta džonrabosko tšoon.

### MAARO-fanibosko ňluutibi

Laavenna aro tšeeribi 2-hankibosko maňkurno haagiba hin te fendjaven phuujako thaanengo ňougaajengo ta kaalengo tšetano verki. Hankibossa hin stellade triin thaane MAARO-fanibi, aro kai hin kamle te aanen tšetanes kaale ta phuujako, phuujako than-nengo ta foorosko naalune komuja te rakkaven kaalensa dola trystale hyövibonna. Lau MAARO (kaalengo tšimbaha leipä) sikila dai aro phuujako thaanengo romanopolitikako buttirikkibosko programi, koonengo plaaniba aro thaanengo fanibi kammaha te byrjuven.

### Laavenna aro tšeeribi 2-hankiba?

Laavenna aro tšeeribi 2 hin sosiaalos- ta sastibosko ministeriosko koordime EU-louvime hankiba. Douva langňtila Laavenna aro tšeeribi 1 –hankibosko byrjime verkostokaano buttiako fendjiba. Hankibosko faatiba hin te fendjaven nevo romano politikako (ROMPO2) programosko ta kaalengo saakengo pinsiba thaanensa ta lokaalensa; kaalengo ternengo dielos liibenesko ta angouvibosko vojibongo fendjiba ta sigide hankibosko tiija byrjime it-veeribosko buttiako langňtiba. Hankiba tšeeraha tšetanes thaanengo kaalengo saakengo komitiensa ta lokaale kaalo aktivistensa.



Puňhibi tenkade aro Pori. Farabi: Hanne Seppälä

Sar ame rakkadam aro sigide neevibosko liin/lil, ame stelladam vaaguno MAARO-faniba aro Rovaniemesko fooros aro juulako tšoon 2018. Naaluno bereňesko 2019 tiija Laaven-na aro tšeeriba 2 hin džeelo aro Porisko ta Tamperesko fooros.

Porisko MAARO-faniba planeerade ta stellade tšetanes aro Vestako-Finitiko kaale ry. ta Porisko fooroha. Aro ji-vitiko vennesko diives 29. tammiko tšoon aulo it stedos 18 komuja. Panna lokaale kaalo aktivikaane praal sas naalune komuja sar botnosko tšenstibonna, khangarjata ta kulttuu-resko ringata.



# AKTUAALO LAAVENNA ARO TŠEERIBI 2 -HANKIBA

## - neevibosko liin 2 1/2019

ROMPO 2:ko saakako thaanenna aro Pori aprude mañkurnesko stedos tšetano veeri-bosko ansiba aro tšenstibi, aro skoolibosko dieliba ta butti liijibosko khaaribi. Ame dik-jam panna, te džeenom kaalo hankibosko diipen liijime positiivuno pinsibi ta džaanibi hin phagarde naaluno tenkibi ta beskide ring tšuuviiba. Aka tiijako koni fuortuno haagiba dikne Porisko lokaalo kaalengo gruppengo buttiako pappales staaviba. Aro faniba klaa-ridas, sar aro dai prosessos vojvaha te fendjaven ta liijam samlaven paaluno džaaniba themenna, katta buttiako gruppos vojula te rikkaven phallo ka butti byrjula.



Tamperesko MAARO-faniba (dik. faraba aro servo ring) stellade 12. miritšako tšoon tšetanen foorosko kaalengo gruppoha. It stedos sas 16 dieliboskiire. Aro faniba fuortuno rakkiba sas spesiaales botnosko sikjibosko, professionalo skoolibosko ta butti liijibosko stedos ta siiliba so doi hyövuvena. Panna aro gruppi tenkade, sar tšetano butti aro but-tiako džooribosko tšenstibi ta petskensa vojvahas te fendjaven.

Naal aprudas panna hyöviba te džaanen butide dotta, sar aro kaalengo saaken vojvahas te angouvaven aro phirro fallibosko froo hleetibi. Dauva saaka hogade aro saaro triin stedos, kai MAARO-fanibi stellade.

Saro hiles saare MAARO-fanibi hin aahte tšinka ta tatto onnivitika. Vaagos džeenom doola saaren hin liine fuortuno aka džaaniba thaanengo fanibonna. Komuja koon doori sas hin aahte aktivikaane ta aro fanibi hin aahtas phirro dialogiako pinsiba. Hankibosko ringata ame kammaha te paargaven panna saare MAARO-fanibongo dielos liibenengiire ta stellibongiire bahtalo tšetano buttiatta!

## Kaalengo džuuja dikne vaure džuujen aro Dživitiko gau

Kaalengo džuujuengo folkengo dikkiba stellade aro Dživitiko gau 4. miritšako tšoon. Aro hilo diivesko faniba tšalade dui aktuaale theema: sastiba ta tšihko aañiba ta panna tšeta-no phuujuako dielos liijiba. Aro faniba auli 27 komuja froo ringata aro Finitiko them. Aro gruppos ħunjjudiilo jakkes stelliboskiiresko sar hankibosko buttiakiire.

Sarra ame dikjam kaalengo dielos liijibosko ta tšihko aañibosko elle Roosa-roodibosko (2018) resultaati, so tšerdas Sastibosko ta tšihko aañibosko instituutos. LIKES-roodibosko sentrosko naalibossa tsalade douva, sar staaviba ta sastiba vojvaha fendjaven aro sakko diives. Aro beska gruppi langhtade rakkiba, kai tenkade panna ken-tengo huupako tšihko aañiba ta ħahtibosko hyöviba. Diivesko vauro theema sas džuu-jengo ta -tšaijengo dielos liijiba aro tšetano thaanengo angouviba. Aro naalibi dikjam džuujuengo ta -tšaijengo aañibongo fendjiba so tšalila aro Phenjalipi-strategios (2014-2020). Panna džuujuengo stellibongiire tšetanen elle NYTKIS diijas džaaniba sar džuu-

# AKTUAALO LAAVENNA ARO TŠEERIBI 2 -HANKIBA

## - neevibosko liin 2 1/2019

jengo butti aro ringako politika elle aro stellibi vojuvaha te hãhtaven. Dialogios staavi-dam panna it vertibosko phertibosta genrengo sar niina hlehtako tšangengo maňkar.

Folkengo džuujuengo dikkiba anjas neer it tafla jakke pinsime sar neeve buttiakiire. Diivesko tiija stautu dialogios sas aktivikaano ta tiija vojulas te aañhes panna butide. Tšiihko onnos aro faniba luonade pesko iego ring rekkibosta svaarime Dživitiko gaavesko džuuja. Ame paargavaha saare tumen koon aañte doori!



*Džuujuengo dikkibosko dielos liijibongiire. Faraba: Janette Grönfors*

## Vooresko Mannako angouviboskiiro? – fanibi terne kaalenge

Kaalengo ternenge sikime Mannako angouviboskiiro? – fanibongo stelliba byrjudas aro Tšarjako leen 7. maasesko tšoon. Fanibosko striimaus vojuvaha te dikken alti youtube <https://www.youtube.com/watch?v=W3dPHz-Qbw&feature=youtube>. Mannako an-gouviboskiiro? –fanibi džala panna aro hliebako bekkos 4. voortako tšoon ta Iisalmiako fooros 8. voortako tšoon 2019. Aro följime nevo lil/liin rakkavaha butide datta hilo saa-kata.

## Tildžaanibi hankibosta

Henna Huttu, rakkibosko tšenstakiiri  
henna.huttu(a)stm.fi  
Puň manna: Laavenna aro tšeeribi –hankiba,  
romano politikako, romani saakengo rakkibosko  
komiteos ta Rompo 2

Katja Vauhkonen, projektosko kordinatori  
katja.vauhkonen(a)stm.fi  
Puň manna: Laavenna aro tšeeribi 2-hankiba, verkosko paňi  
(romani.fi/) sanoista-tekoihin) ta hankibosko fanibi

Johanna Järvinen, dielosko ranniboskiiri  
johanna.jarvinen(a)stm.fi / ronk(a)stm.fi  
Puň manna: romani saakengo rakkibosko komiteos,  
ekonomis- ta džaabeneko falliba